



SURAT EDARAN PENTADBIRAN
BILANGAN 6 TAHUN 2022

PEMBERIAN BANTUAN KHAS KEWANGAN
AIDILFITRI TAHUN 2022
DI UNIVERSITI TEKNIKAL MALAYSIA MELAKA

Pejabat Pendaftar

19 April 2022 | 17 Ramadan 1443H

Disalinkan kepada:

Naib Canselor

Timbalan Naib Canselor (Akademik dan Antarabangsa)

Timbalan Naib Canselor (Penyelidikan dan Inovasi)

Timbalan Naib Canselor (Hal Ehwal Pelajar)

Penolong Naib Canselor (Jaringan Industri dan Masyarakat)

Penolong Naib Canselor (Pembangunan dan Pengurusan Fasiliti)

Pegawai-Pegawai Kanan

YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTEM100-1/3/3 (16)

19 APRIL 2022
17 RAMADAN 1443H

SURAT EDARAN PENTADBIRAN BIL. 6/2022

PEMBERIAN BANTUAN KHAS KEWANGAN AIDILFITRI TAHUN 2022 DI UNIVERSITI TEKNIKAL MALAYSIA MELAKA (UTeM)

1.0 TUJUAN

- 1.1 Surat Edaran Pentadbiran ini bertujuan untuk memaklumkan kepada pengetahuan semua staf Universiti Teknikal Malaysia Melaka (UTeM) mengenai pemakaian dengan pindaan Surat Edaran Jabatan Perkhidmatan Awam No. Rujukan JPA.800-3/2/1 (41) bertarikh 11 April 2022 (Bantuan Khas Kewangan Aidilfitri Tahun 2022) di Universiti Teknikal Malaysia Melaka.

2.0 LATAR BELAKANG

- 2.1 Berdasarkan keputusan YAB Perdana Menteri pada 5 April 2022 yang bersetuju supaya Bantuan Khas Kewangan Aidilfitri Tahun 2022 (BKKA 2022) sebanyak RM500.00 dibayar kepada pegawai Perkhidmatan Awam Kumpulan Pengurusan dan Profesional serta Kumpulan Pelaksana Gred 56 dan ke bawah. Universiti turut bersetuju untuk memanjangkan pemberian BKKA 2022 kepada staf Kumpulan Pengurusan dan Profesional serta Kumpulan Pelaksana Gred 56 dan ke bawah.
- 2.2 Keputusan secara Edaran Lembaga Pengarah Universiti bertarikh 18 April 2022 telah bersetuju untuk menerima pakai dengan pindaan Surat Edaran Jabatan Perkhidmatan Awam No. Rujukan JPA.800-3/2/1 (41) bertarikh 11 April 2022 (Bantuan Khas Kewangan Aidilfitri Tahun 2022) untuk dilaksanakan di UTeM.

3.0 PELAKSANAAN

Selaras dengan keputusan tersebut, kaedah pelaksanaan pembayaran Bantuan Khas Kewangan Aidilfitri Tahun 2022 di UTeM adalah seperti berikut:-

- 3.1 Bayaran sebanyak RM500.00 layak diberikan kepada staf Kumpulan Pengurusan dan Profesional serta Kumpulan Pelaksana Gred 56 dan ke bawah.

- 3.2 BKKA 2022 sebanyak RM250.00 juga dipanjangkan kepada pesara Kerajaan yang menerima pencen termasuk penerima pencen terbitan di bawah undang-undang pencen serta pesara Skim KWSP yang bersara daripada perkhidmatan awam apabila mencapai opsyen umur persaraan pada atau sebelum 25 April 2022.
- 3.3 Pembayaran ini juga akan turut dipanjangkan kepada staf di bawah dan pesara yang dilantik semula secara *Contract of Service* (COS)¹ seperti ketetapan berikut:
- (i) Pekerja Sambilan Harian (PSH) yang masih berkhidmat pada 25 April 2022 dengan syarat tempoh lantikan kontraknya masih berkuat kuasa pada 25 April 2022; dan
 - (ii) pesara dan veteran yang dilantik semula secara COS dan masih berkhidmat pada 25 April 2022 layak dibayar sebanyak RM500.00.
- 3.4 Bayaran BKKA 2022 layak diberikan kepada staf Kumpulan Pengurusan dan Profesional serta Kumpulan Pelaksana seperti berikut:
- (i) staf lantikan tetap, sementara dan *Contract of Service*(COS);
 - (ii) staf yang bercuti bergaji penuh;
 - (iii) staf yang bercuti separuh gaji;
 - (iv) staf yang bercuti tanpa gaji;
 - (v) staf yang dipinjamkan termasuk ke agensi yang diasingkan pengurusan saraannya. BKKA 2022 ini akan dibayar oleh Agensi yang menerima peminjaman staf; dan
 - (vi) staf yang meninggal dunia pada 25 April 2022.
- 3.5 Pembayaran ini **tidak layak** diberikan kepada staf seperti berikut:
- (i) staf dalam Kumpulan Pengurusan Tertinggi dan setaraf termasuk pegawai yang memangku, dipinjam/tukar sementara dan penempatan khas ke Gred Jawatan Utama/Gred Khas;
 - (ii) staf yang dijatuhkan hukuman tatatertib dalam tempoh 1 Januari 2022 hingga 25 April 2022;
 - (iii) staf yang ditamatkan perkhidmatan demi kepentingan awam dalam tempoh 1 Januari 2022 hingga 25 April 2022;

¹ Bagi staf di bawah *Contract for Service*, surat edaran berasingan akan dikeluarkan oleh Kementerian Kewangan.

- (iv) staf yang meletak jawatan dalam tempoh 01 Januari 2022 hingga 25 April 2022; dan
 - (v) staf berpencen yang melepaskan hak pencen kerana menyertai Badan Berkanun Yang Diasingkan Saraan;
- 3.6 Staf yang ditahan kerja, digantung kerja atau telah dikeluarkan surat pertuduhan oleh Jawatankuasa Tatatertib UTeM akan ditangguhkan pemberian BKKA 2022 ini sehingga Jawatankuasa Tatatertib UTeM mendapati staf tersebut tidak bersalah;
- 3.7 BKKA 2022 akan dibayar pada 25 April 2022. Bagi veteran yang dilantik semula secara COS, BKKA 2022 akan dibayar oleh UTeM sebanyak RM250.00.

4.0 TARIKH PEMBAYARAN

- 4.1 Bantuan Khas Kewangan Aidilfitri Tahun 2022 ini akan dibayar pada 25 April 2022.

5.0 TARIKH KUAT KUASA

- 5.1 Surat Edaran Pentadbiran ini berkuat kuasa mulai tarikh ia dikeluarkan.

Sekian, terima kasih.

“WAWASAN KEMAKMURAN BERSAMA 2030”

“BERKHIDMAT UNTUK NEGARA”

“KOMPETENSI TERAS KEGEMILANGAN”

Saya yang menjalankan amanah,



MASDZARIF BIN MAHAT
Ketua Pegawai Operasi
Universiti Teknikal Malaysia
Melaka